



Inatsisartunut ilaasortaq Mariane Paviasen, Inuit Ataqtigiit

E-mailip kukkuneqarnera pillugu § 37 naapertorlugu apeqquteqaammut nr. 013-2021-imut akissut

09-02-2021
Suliap nr. 2021-2382

Postboks 930
3900 Nuuk
Tlf. (+299) 34 68 00
Fax (+299) 43 02
E-mail: asn@nanoq.gl
www.naalakkersuisut.gl

Kuannersuarni suliassamut tusarniaanermut allagarsiuussami e-mailip kukkuneqarnera pillugu Inatsisartut suleriaasianni § 37, imm. 1 naapertorlugu apeqquteqaatit matuma kinguliani allassimasut Naalakkersuisunut saqqummiuppatit, taakkualu matumuuna akissuteqarfigineqarput.

1. Kuannersuit pillugit VVM-mik VSB-millu nalunaarusiat qanga Naalakkersuisunit tiguneqarpat?

Akissut:

Nassuiaatit marluk tamarmik piffissami sivisuumi suliarineqarput aammalu nassuiaatit marluusut tamarmik piunasaqaatinik aatsitassanut ikummatissanullu inatsit naapertorlugu aalajangersagaasut naammassineqarsimanissaasa qulakkeernissaa siunertaralugu aatsitassanut oqartussap piffissaq taanna tamaat Greenland Minerals A/S oqaloqatigisarpaa.

2019-imi oktobarip aallaqqaataaniilli VSB-mut nassuiaat Naalakkersuisut nittartagaanni tamanit pissarsiarineqarsinnaavoq.

Nassuiaatit marluusut aatsitassanut ikummatissanullu inatsimmik naammassinnittut aammalu tamanut ammasumik tusarniaassutigineqarnissamut piareertutut nalunaarutigineqarsinnaasut, ulloq 17. december 2020 Naalakkersuisut akueraat. Tusarniaaneq ulloq 18. december 2020 aallartinneqarpoq.

2. Kikkut tamarmik tusarniaanernut peqataasinnaavissortut Naalakkersuisut isumaqarpat?

Akissut:

Aap, innuttaasut soqutigisaqartullu tamarmik oqaaseqaatiminnik aamma/imaluunniit apeqquteqaatiminnik Aatsitassanut Aqutsisoqarfiup e-mailianut nassiuksillutik tusarniaanermi peqataasinnaapput: mlsa@nanoq.gl.

3. **Ataatsigut atsiortunga ippassaq, ulloq 22. januar 2020, kommunimi sulisumit sumi tusarniaanermut atortussiat nassaarineqarsinnaaner at pillugu aperineqarnera Naalakkersuisut qanoq isumaqarfigaat?**

Akissut:

Naalakkersuisut tusarniaanermut akissuteqaqqusineq kommuninut tamaginnut nassiuppaat, tassani allassimalluni tusarniaanermut najoqqutassat sumi takuneqarsinnaanersut. Kommunit elektroniskimik allakkat pisortatigoortumik allakkanik nassiussisarfimmi tigusaminnik qanoq agguaasarnersut, aammalu sulisuminnut attuumassuteqartunut qanoq ilisimatitsisarnersut, Naalakkersuisut isummerfiginngilaat.

4. **Tusarniaanerni emaili nalunaarsorsimasoq mlsa@nanaoq.gl tusarniaanernut akissutinut emailimik nassiussivissaava eqqortoq?**

- a. **Taamaangippat, adresse eqqortoq suna akissutinik nassitsivissaava?**

Akissut:

Tusarniaanermut allagarsiissutip kalaallisoortani e-mailadressep allannerata aappaa kukkuneqartoq paasissutissiinernut qujanaq. E-mailadresse tassaavoq mlsa@nanaoq.gl, taannalu Aatsitassanut Aqutsisoqarfimmut pisortatigoortumik allakkanik nassiussisarfiuvoq. Paasissutissiissutitut nalunaarutigisinnaavara e-mailadresse tusarniaanermut allagarsiussami oqaatsini pingasuni tamaginni marloriarluni allassimammatt. Taamaalillunilu e-mailadresse allassimalluni arfinileriarluni allassimasuni ajoraluartumik ataaseq kukkusumik allanneqarsimavoq.

Apeqqutivit ulloq 26. januar takuneqarniariarnerani Aatsitassanut Aqutsisoqarfik Digitalinngorsaaneermut Aqutsisoqarfimmut attaveqarpoq, taamaalilluni kukkuneq iluarsineqarsinnaalerluni. Aatsitassanut Aqutsisoqarfiup tusarniaanermut allagarsiussa q suliaraa aammalu imarisaannut akisussaasuulluni, kisianni oqaasertaasa Namminersorlutik Oqartussat tusarniaanermut nittartagaanut ikkunnissaat Digitalinngorsaaneermut Aqutsisoqarfiup akisussaaffigaa. Kukkuneq ingerlaannaq iluarsineqarpoq.

Soorunami kukkusoqarsimatillugu tamatigut ajuusaarnartarpoq, kisianni inuit akuutillugit ajoraluartumik taamaattoqartarpoq.

5. **emaili akissuteqarfissaq kukkusuuppat, quppernermi emaili kukkusup ikkunneqarsimanera pissutigalugu tusarniaanerit kinguartinnissaannut Naalakkersuisut piumassuseqarpat?**

- a. **Taamaangippat, sooq suliami pingaarutilimmi Kuannersuartut ittimi kinguartitsinissaq kissaatigineqanngila?**

Akissut:

Inussiarnersumik takuuk apeqqummut nr. 4-mut akissut. Aammattaaq ilanngutissavara isumaqarama kukkuneq taanna isumaannut akornutaanngitsoq aammalu piffissaq eqqorlugu tusarniaanermut akissuteqaammik tunniussinissamut annertuumik periarfissiisoq. Kukkuneq iluarsineqareerpoq, aammalu piffissaq tusarniaaffiusoq suli naanngilaq, tamannalu pissutigalugu sivitsorneqassanani.

6. **Sooq tusarniaanermi taamak pingaaruteqartigisumi pipallattoqarpa, allaat emailadresse eqqortuunngitsoq allanneqarluni?**

Akissut:

Inussiarnersumik takuuk apeqqummut nr. 4-mut akissut.

7. **Kuannersuarni suliniutip ilungersunassusaa Naalackersuisut paasinngilaat?**

Akissut:

Naalackersuisut paaanissamut akuersissutinik qinnuteqaatit tamatigut ilungersunartorujussuurtut isigisarpaat, isumaqanngilangali kukkuneq annikitsoq taamatut isikkoqarneranut aseruissasoq.

8. **Kukkuneq utoqqatitsissutigineqalersaarpa, taamaalillunilu Naalackersuisut kukkussuteqarsimanagerat pissutigalugu tusarniaanerit kinguartinneqalersaarpat?**

Akissut:

Inussiarnersumik takuuk apeqqummut nr. 4-mut akissut. Tusarniaaneq kukkuneq annikitsoq taanna tunngavigalugu kinguartinneqassanngilaq.

9. **Kukkunerit taamaattut siunissami peqqissinnaanerit ingalassimatinniarlugu, Naalackersuisut qanoq pitsanngorsaalersaarpat?**

Akissut:

Inussiarnersumik takuuk apeqqummut nr. 4-mut akissut.

10. **Moriusami aatsitassarsiorfiliornissap Kuannersuarnilu aatsitassarsiorfiliornissap suna assigiissutigaa?**

Akissut:

Apeqqut taanna toqqaannartumik akineqarsinnaanngilaq. Oqaatigisinnaavara suliassat tamarmik aatsitassanut ikummatissanullu inatsimmi aalajangersakkat naapertorlugit suliarineqartarmata, taamaaliornermilu oqartussat suliarinninneranni suliap ingerlaneranut tunngatillugu assigiinnngisitsisoqartarani.

Inussiarnersumik inuulluaqqusillunga

Vittus Qujaukitsog
Vittus Qujaukitsog